

ACORDO DE ADDENDA E PRÓRROGA DO CONVENIO DE COLABORACIÓN ENTRE A AXENCIA TRIBUTARIA DE GALICIA E O CONSELLO DA AVOGACÍA GALEGA PARA A APLICACIÓN DAS NOVAS TECNOLOXÍAS DA INFORMACIÓN NOS PROCEDIMENTOS DE XESTIÓN TRIBUTARIA

REUNIDOS

Dunha parte, o Sr. D. Miguel Corgos López-Prado, Conselleiro de Facenda e Administración Pública en virtude do disposto no Decreto 44/2024, do 14 de abril, polo que se nomea Conselleiro de Facenda e Administración Pública, e na súa condición de Presidente da Axencia Tributaria de Galicia, en virtude das facultades que lle atribúe o artigo 14 do Decreto 202/2012, do 18 de outubro polo que se crea a Axencia Tributaria de Galicia.

Doutra parte, o Sr. D. Augusto José Pérez-Cepeda Vila en nome e representación do Consello da Avogacía Galega, en virtude das facultades que lle atribúe o artigo 2.2 do Decreto 130/1993, do 3 de xuño, polo que se aproba a creación do Consello da Avogacía Galega.

As partes recoñécense capacidade legal suficiente para subscribir o presente Acordo de addenda e prórroga e, para ese efecto,

EXPOÑEN

I

Que o 18 de xuño de 2020, as partes subscribiron un convenio polo que se establece un marco de colaboración apropiado entre a Axencia Tributaria de Galicia (en diante ATRIGA) e o Consello da Avogacía Galega (en diante Consello) mediante o cal se ofrece aos obrigados tributarios a posibilidade de levar a cabo, desde a propia oficina á que os contribuíntes voluntariamente encomenden os servizos que prestan en relación coa tramitación de procedementos de xestión tributaria dos seguintes trámites:



- Información sobre o valor dos bens inmobles situados en Galicia que vaian ser obxecto de adquisición ou transmisión e, no seu caso conforme coa normativa vixente, obtención dos acordos previos de valoración que sexan da competencia da Consellería de Facenda e Administración Pública.

- Presentación, pago e remisión por vía telemática das autoliquidacións, declaracións, liquidacións e/o recibos correspondentes aos seguintes impostos;

a) Imposto sobre transmisións patrimoniais e actos xurídicos documentados (ITP-AJD).

b) Imposto sobre sucesións e doazóns (ISD).

c) Taxas fiscais sobre o xogo.

d) Imposto sobre contaminación atmosférica (ICA).

e) Imposto sobre o dano ambiental causado por determinados usos e aproveitamentos de auga embalsada (IDMAE).

f) Canon eólico (CE).

g) Imposto compensatorio ambiental mineiro (ICAM).

h) Canon sobre os inmobles declarados en estado de abandono (CIDEA).

i) Imposto sobre o depósito de residuos en vertedoiros, a incineraicón e a co-incineración de residuos (Idires).

j) Imposto especial sobre determinados medios de transporte, a partir do momento en que a Comunidade Autónoma de Galicia solicite o traspaso dos servizos a eles adscritos.

k) E, demais impostos, taxas, prezos e outros ingresos de dereito público competencia da Comunidade Autónoma de Galicia para os que se prevexa a presentación, pago e remisión por vía telemática.

II

Que a cláusula sétima do convenio estipula que este ten unha vixencia de catro anos desde a data da súa firma (18/06/2020) e que en calquera momento antes da



finalización do prazo previsto, as partes poderían acordar unánimemente a súa prórroga por un período de ata catro anos adicionais ou a súa extinción.

III

Que próximo a terminar os efectos do convenio, ambas as partes están interesadas en prorrogalo ata o 19/06/2028, e, en incorporar a posibilidade de denuncia expresa como causa de resolución do convenio, nos termos das cláusulas que se recollen na parte dispositiva desta addenda.

Modifícase tamén a cláusula primeira que regula o obxecto do convenio aos efectos de incluír o Imposto sobre o depósito de residuos en vertedoiros, a incineración e a coincineración de residuos.

Polo exposto, as persoas intervinientes acordan a subscripción da presente addenda e prórroga do convenio, que se rexerá polas seguintes

CLÁUSULAS

Primeira. Modificación cláusula Primeira

A cláusula primeira do Convenio queda redactada da seguinte forma:

É obxecto do presente convenio establecer o marco de colaboración en virtude do cal se ofrecerán aos obrigados tributarios a posibilidade de levar a cabo, desde a propia oficina á que os contribuíntes, voluntariamente, encomenden os servizos que prestan en relación coa tramitación de procedementos de xestión tributaria, os seguintes trámites:

- Información sobre o valor dos bens inmobles situados en Galicia que vaian ser obxecto de adquisición ou transmisión e, no seu caso conforme coa normativa vixente, obtención dos acordos previos de valoración que sexan da competencia da Consellería de Facenda e Administración Pública.

- Presentación, pago e remisión por vía telemática das autoliquidacións, declaracións, liquidacións e/ou recibos correspondentes aos seguintes impostos:



- a) *Imposto sobre transmisións patrimoniais e actos xurídicos documentados (ITP-AJD)*
- b) *Imposto sobre sucesións e doazóns (ISD).*
- c) *Taxas fiscais sobre o xogo.*
- d) *Imposto sobre contaminación atmosférica (ICA).*
- e) *Imposto sobre o dano ambiental causado por determinados usos e aproveitamentos de auga embalsada (IDMAE).*
- f) *Canon eólico (CE).*
- g) *Imposto compensatorio ambiental mineiro (ICAM).*
- h) *Canon sobre os inmobles declarados en estado de abandono (CIDEA).*
- i) *Imposto sobre o depósito de residuos en vertedoiros, a incineración e a coincineración de residuos.*
- j) *Imposto especial sobre determinados medios de transporte, a partir do momento en que a Comunidade Autónoma de Galicia solicite o traspaso dos servizos adscritos.*
- k) *E, demais impostos, taxas, prezos e outros ingresos de dereito público competencia da Comunidade Autónoma de Galicia para os que se prevea a presentación, pago e remisión por vía telemática.*

Segunda. Modificación cláusula Oitava

A cláusula oitava do Convenio queda redactada da seguinte forma:

Para as causas de resolución e os efectos do convenio estarase aos disposto nos artigos 51 e 52 da Lei 40/2015, do 1 de outubro, de réxime xurídico do sector público.

O convenio tamén poderá ser resolto por denuncia expresa dunha das partes con tres meses de previo aviso.



Terceira. Prórroga do convenio

Prorrógase para un período comprendido entre o 19/06/2024 e o 19/06/2028 a vixencia do Convenio de Colaboración subscrito entre a Atriga e o Consello da Avogacía Galega o 18 de xuño de 2020.

Este acordo será rexistrado no Rexistro de Convenios da Xunta de Galicia regulado no Decreto 126/2006, do 20 de xullo, e será obxecto de publicidade nos termos do artigo 15 da Lei 1/2016, do 18 de xaneiro, de transparencia e de bo goberno de Galicia.

Os asinantes prestan o seu consentimento para que os datos persoais que consten na prórroga, e o resto de especificacións contidas na mesma, poidan ser publicados no Portal de Transparencia e Goberno Aberto.

E en proba de conformidade, as dúas partes asinan a presente addenda e prórroga do Convenio.

**POLA AXENCIA TRIBUTARIA DE
GALICIA**

Miguel Corgos López-Prado

**POLO CONSELLO DA AVOGACÍA
GALEGA**

Augusto José Pérez-Cepeda Vila

